

誠

齋

集

誠齋集卷第十三

廬陵楊

万里

廷秀

詩

西歸集

初離常州夜宿小井清曉放船

欄街父老不教行出得東門已一更
一事新來偏可意
夢中聞打放船鉦
晨炊只煮野蔬湯
更揀鮮魚買一雙
病眼未能禁
曉日西窗莫閉
之東窗

春早愁人是去年如今說着尚心酸
篙師莫遣船

遲着見說蘇州好牡丹

雨中遠望惠山

準擬歸時到未遲歸時不到悔來時
惠山不識空歸去枉與常刈作住持
詩人也是可憐生不及穿雲渡水僧
不是惠山看不見只教遙見不教登

酌惠山泉瀹茶

錫作諸峯玉一消麴生堪釀茗堪煎
詩人浪語元無據却道人間第二泉

舟中雨望二首

雨裏船中只好眠，不堪景物妬人閑。
岸如玉案平鋪却，釘餽真山作假山。
船窗深閑懶看書，獨倚船門然白鬚。
雨共長河織青錦，金錢暈上滴真珠。

曉經潘葑

油牕着雨光不濕，東風忽轉西風急。
蓬聲蕭々河冰澁，牽船不行人却立。
雨中蒿師風墜笠，潘葑未到眼先入。
岸柳垂頭向人揖，一時喚入誠齋集。

惠山雲開復合

二年常州不識山，惠山一見開心顏。
只嫌雨裏不

子細髣髴闌簾青玉鬟天風忽吹白雲圻翡翠屏
開倚南極政緣一雨染山色未必雨前如此碧看
山未了雲復還雲與詩人偏作難我船自向蘇州
去白雲穩向山頭住

泊舟無錫雨止遂游惠山

天教老子不空回船泊山根雨頓開歸去江西人
問我也曾一到惠山來

出惠山遙望橫山

三日橫山反覆看慙慙送我惠山前常州更在橫
山外只望橫山已杳然

舟過望亭

常川盡處是望亭已離常川第四程
柳線絆船知不住却教飛絮送儂行
雨罷風回花柳晴忽然數點打窗聲
遊蜂誤入船窗裏飛去飛來總是情
此去蘇州半日期歸心長是覺船遲
一村樹暗知何處兩岸草青無了時

將近許市望見虎丘

許市人家遠樹前虎丘山色夕陽邊
石橋分水入別港茅屋垂楊仍釣船

舟中晚酌

竹陵春酒絕清嚴
解割詩腸快似鎌
雪藕逢暄偏覺爽
鵝梨欲爛不勝甜

一日寒暄自不同
繡簾下却護輕風
楊花可是多情思
飛入船中落酒中

泊船百花洲登姑蘇臺

二月盡頭三月初
繫船楊柳拂菰蒲
姑蘇臺上斜陽裏
眼度靈巖到太湖
客裏逢春了不知
牡丹剝買十來枝
東風動地從渠惡
吹盡楊花無可吹

舟中小雨

漠々輕寒粟曉膚
醅醖半落牡丹初
顛風無賴難拘管
小雨多情爲破除
半世光陰行路裏
一年春事客愁餘
浙西尚遠江西在
何日章江買白魚
從范至能參政游石湖精舍坐間

走筆

孤塔鷗邊迥
千巖鏡裏看
折花倩人桺
摘葉護窻寒
不是無相識
相從却是難
歸舟望精舍
已在白雲端

震澤分波入垂虹
隔水看何須
小風起生怕牡丹

寒政坐諸峯好端令落筆難催人理歸棹落日許
無端

夜飲周同年權府家

老趣漁船泊館娃月明夜飲故人家春風吹酒不
肯醒嚼盡醪醖一架花

再登垂虹亭

紅塵不解送詩來身在煙波句自佳銀漢光中有
詩客玉虹背上曳芒鞋

宿醒作惱未惺鬆一對湖光酒病空身到吳中無
好處三年兩度上垂虹

長年三老不須催且據胡牀未擬回
白晝驚人星滿地日光碎處萬波來

已過吳江阻風上湖口

五日姑蘇一醉中看盡牡丹紅
阻風只怕松江渡過了松江却阻風

南風捲水入湖公落盡波痕不復回
更被網船礙歸舫一船一過盡船來

夜泊平望終夕不寐

船中新熟睡難成聽盡漁舟掠水聲
不分兩窻外月如何不爲別人明

櫻桃湖裏月如霜偏照征人寸斷腸
醉裏不知家尚遠夢回忽覺路初長
一生行路便多愁落得星星兩鬢秋
數盡歸程到家了此身猶未出蘇州

小泊梅堰登明孝寺

泊船梅堰日微昇一逕深深喚我登
隨分垂楊兼老檜備負野寺更殘僧

湖州三里橋取道德清

浙西只欠到湖州三里橋頭轉却舟
不到湖州妨底事不如元不到橋頭

宿湖甫山

夜泊湖甫山綠楊護危堤迅雷將殘雨似猛竟後
微曉月解風纔熟睡初不知起來問宿處千山翠
相圍霄峯有剌謁旭溪無停輝遠樹蘆外出若與
船爭馳多情東林塔寸步不相離後送飲已遠前
迎復在茲不知塔意厚爲後船行遲誰能仆此塔
庶不淹吾歸獨感夜來雨政作朝涼資

過雪川大溪

菰蒲際天青無邊只堪蓮蕩不堪田中有一溪元
不遠摺作三百六十灣政如綠錦也衣上玉龍盤

屈於其間前船未轉後船隔前灣望得到不得及
至前灣到得時只與後灣纔咫尺朝來已度數百
縈問知德清猶半程老夫乍喜權夫悶管有到時
君莫問

雪溪

道場山背是吳興只不教人到德清雪水相留別
無計却將溪曲暗添程

春盡舍舟餘杭雨後山行

前夕船中索簟眠今朝山下覺衣單春歸便肯平
七過湏做桐花一信寒

樹々低桑不要撈溪々新漲總平堤杜鵑知我歸
心急林外飛來頭上啼

新竹

東風弄巧補殘山一夜吹添玉數竿半脫錦衣猶
半着籜龍未信沒春寒

轎中絕句

雪洗林花頰金梭隴麥髻捲簾雙眼遠隔樹一峯
尖

晨炊白昇山

俗傳葛仙翁於此
白日昇天故名

千峯爲我旋生妍我爲千峯一灑然雲掠石崖啼

鳥樹雨添山澗落花泉心知僮僕多飢色目斷茅
簷半總煙只道晨炊食無肉竹根竹荀兩三錢

晚憩富陽

苕溪到得富春灘度綠穿青半日間未出浙西心
已喜眼中初見浙東山

春餘客裏政無聊忽報潮頭雪樣高急喚清空竹
陵酒旋嘗梅子與櫻桃

富陽登舟待潮回文

山接江清江接天老人漁釣下前灘寒潮晚到風
無定船泊小灣春日殘

小舟晚興

蒹蓬舊屋雨聲乾
蘆葦新簷暖日眠
枕底席邊俱綠水
腳根頭上兩青天

人在非晴非雨天
船行不浪不風間
坐來堪喜還堪恨
看得南山失北山

潮痕初落水猶肥
雨點纔來已復微
半濕岸沙危欲落
牽船稚子去如飛
一船在後忽攙前
後篙師各繫然
山入春來肥更秀
向人依舊聳寒肩

明發窄溪晚次嚴州

夕照落帆烏石灘朝來解纜窄溪邊
篙師好語君知否一日風行兩日船

過橫山塔下

六年三度過蘭溪總是殘春首夏時
最感橫山山上塔迎人東去送人西

過金臺天氣頗熱

江雲山翠借朝涼晚日晴波挾暑光
舊說長江無六月暮春已自不禁當

日曬船蓬四面炊幾時却得出船時
江西未到何須恨且到三衢也自奇